



**O‘ZBEKISTON RESPUBLIKASI
TURIZMNI RIVOJLANTIRISH DAVLAT QO‘MITASI
BUYRUG‘I**

2019 у. “08” *апрел*

80-II-sonli

Ўзбекистон Республикасининг туризм салоҳиятини тарғиб қилиш ҳамда соҳада амалга оширилаётган кенг кўламли ислохотларнинг мақсадлари, вазифаларини кенг жамоатчиликка тезкорлик билан етказиш тизимини такомиллаштириш тўғрисида

“Давлат ҳокимияти ва бошқаруви органлари фаолиятининг очиқлиги тўғрисида”ги Ўзбекистон Республикаси Қонуни, Ўзбекистон Республикаси Президентининг 2019 йил 5 январдаги “Ўзбекистон Республикасида туризмни жадал ривожлантиришга оид қўшимча чора-тадбирлар тўғрисида” ПФ-5611-сонли Фармони ҳамда Вазирлар Маҳкамасининг 2015 йил 6 ноябрдаги “Давлат ҳокимияти ва бошқаруви органлари фаолиятининг очиқлиги тўғрисида”ги Ўзбекистон Республикаси қонуни қоидаларини амалга оширишга йўналтирилган комплекс чора-тадбирлар кўриш тўғрисида” 320-сонли қарорига мувофиқ,

Б У Ю Р А М А Н:

1. Қўмита марказий аппарати бошқарма (бўлим)лари, тасарруфий ташкилотлар ҳамда ҳудудий бошқарма ва департаментлар томонидан ташкил этилаётган тадбирлар, амалга оширилаётган ишлар ва соҳага оид янгиликларни кенг жамоатчиликка ўз вақтида етказилишини таъминлаш мақсадида амалга оширилган ишлар якуни билан бир кунлик муддатда Қўмита Матбуот хизмати (Султанов)га тўлиқ маълумотларни сифатли фото суратлар илова қилган ҳолда тақдим этилиши белгилаб қўйилсин.

2. “Миллий PR маркази” ДУК (Наджимов), “Туризм хизматларини сертификатлаш маркази” ДУК (Исломов), “Туризм ўқув-консалтинг маркази” ДУК (Голышева), “Туристларга хизмат кўрсатиш маркази” ДУК (Нуров), “Ипак йўли офиси” УК (Мирзахидов) ва “Ипак йўли” туризм халқаро университети (Тураев) ҳамда ҳудудий бошқарма ва департаментлар раҳбарлари бир кунлик муддатда:

Матбуот хизмати (Султанов)га тизимли равишда аниқ ва сифатли маълумотларни тақдим этиб борувчи ходимларни бириктирилиши ва улар тўғрисида маълумотларни тақдим қилинишини таъминласин.

Бириктирилган ходимларга устама ва компенсация тўловлари миқдори Молия-иқтисодиёт бошқармаси (Мирзахмедов) ва Матбуот хизмати (Султанов) билан келишган ҳолда ўрнатилиши белгилаб қўйилсин.

3. Матбуот хизмати (Султанов) Қўмита раҳбарияти билан келишган ҳолда оммавий ахборот воситалари томонидан ташкил этиладиган йиғилишлар, интервью ва бошқа турдаги тадбирларда иштирок этадиган ходимлар рўйхатини шакллантирилишини ҳамда уларнинг иштирокини таъминласин.

4. “Миллий PR маркази” ДУК (Наджимов) Матбуот хизмати (Султанов) билан биргаликда туризм соҳасидаги оммавий тадбирларнинг пресс-релизлар ва соҳадаги янгиликларни тайёрлаш, туризмни тарғиб қилишга қаратилган маълумотларни интернет тармоғидаги веб-ресурслар, шу жумладан, ижтимоий ва мобил тармоқларда тезкор ва ўз вақтида жойлаштириш, янгилаб бориш ҳамда ривожлантиришда жавобгар эканлиги белгилаб қўйилсин.

5. Жисмоний ва юридик шахсларнинг муурожаатлари билан ишлаш, ижро интизоми ва девонхона назорати бошқармаси (Матсапаев) бир кун муддатда ушбу буйруқни Қўмита марказий аппарати бошқарма (бўлим)лари, тасарруфий ташкилотлар ҳамда ҳудудий бошқарма ва департаментларига етказилишини ҳамда доимий назорат қилиб борилишини таъминласин.

6. Қўмита марказий аппарати бошқарма (бўлим)лари, тасарруфий ташкилотлар ҳамда ҳудудий бошқарма ва департаментлари раҳбарлари Қўмита Матбуот хизмати (Султанов)га тақдим этилаётган маълумотларнинг тўғрилиги ва ҳаққонийлиги, мазкур буйруқда кўрсатилган топшириқларнинг ижросини ўз вақтида ва сифатли бажариш бўйича шахсан жавобгар эканликлари белгилаб қўйилсин.

7. Мазкур буйруқ ижросини назорат қилишни ўз зиммамда қолдираман.

Раис в.в.б.

 **А. Аккулов**